

# INUIT ATAQATIGIIT INATSIARTUNI



UPA:2026/87

Pipaluk Lynge

4. juni. 2026

**Kalaallit Nunaanni Namminersorneq pillugu inatsit naapertorlugu, Kalaallit Nunaannut imminut naalagaaffittut oqartussaaffigilernissaanut isumaqatigiissut qaqugu, Inatsisartut akuersissuteqarnissaat siunertaralugu Inatsisartunut agguaanneqartussatut saqqummiussaqaarnissaanut, piffissaritinneqartussamut missiliuteqarnissamut Naalakkersuisut peqquneqarnissaat Inatsisartut aalajangiiffigisassaattut siunnersuut.**

Inatsisartunut ilaasortaq Pele Broberg, Naleraq

Inuit Ataqatigiinniit aalajangiiffigisassamut siunnersuummut qujavugut.

Inuit Ataqatigiinni oqartussaaffeqarnek pingaartipparput, inuiattut akuerineqarsimanerput angusaq annertoorujussuuvoq. Namminersorluta Oqartussaqaarnerput angusaq annertoorujussuuvoq. Naalakkersuisoqarnek, Inatsisartut, Kommunit, Nunaqarfinnilu Aqutsisinnaaneq oqartussaaffimmik annertoorujussuarmik tunisisoq, akisussaaffimmillu annertuumik tunniussisoq, Inuit Ataqatigiinni isumaqarpugut.

Nunasiaataasimanerup kingorna angusimasagut tulluusimaarutissaraagut, naggueqatittami ilatik taamak angusaqarsinnaammata, aamma tulluusimaarutigisarpaatigut.

Nunasiaataasimanitta kingorna suli suliassaqaqtugut Inuit Ataqatigiinniit isumaqarpugut. Aamma ilutsinni.

# INUIT ATAQATIGIIT INATSIARTUNI



USAp presidentiata piginerarluta oqalulersimavoq, oqartussaaffigilerniarluta siunnerfeqarluni. Qulequttat ima ittut eqqartorneqalersillugit, USAp presidentia atorfilittaalu aalassalersarput, namminersulerutta nuna sorleq iliginiarneripput aarleqqutigalugu.

Taamaattumik Inuit Ataqatigiinniit ersarissumik oqaatigiumavarput, 1951imi isumaqatigiissutip atsiorerani, ilisimaaraarput, arlaannattaluunniit imaasiallaannaq isumaqatigiissut atorunnaarsissinnaanngimmagu, USAp illersornissaa, uatsinnut aamma pingaaruteqarmat, ataqpeqatigiinnikkulli tamanna ingerlassasoq kissaatigalugu.

Taamak oqaaseqarluta, Naalakkersuisut akissuteqaataat ilalerparput. Naalagaaffinngorneq mittarfiliornermut sanilliunneqarsinnaanngitsoq.

Naalagaaffinngornermi inuiaqatigiit oqaloqataasariaqarput, inuit 31it Inatsisartunut ilaasortat, innuttaasut sinnerlugit, apeqqut taama pingaaruteqartigisoq aaliangersinnaanngilaat.

Innuttaasut suna takorloorpaat? Aqagu Naalagaaffinngoraluarutta suut allanngorluinnarnissaannut inooqataasinnaappat? Sakkulerngusaannerit annertusiartuinnartillugit, qanoq tuavisaaritigerusuppat?

Apersuinerit siorna ukiormannalu takutippaat, amerlanerpaartaat USAmut atalerusunnigitsut, taamaattumik isiginngitsuusaarsinnaanngilarput, USAmi pisiassatut eqqartorneqartilluta, innuttaasut minnerpaamik naalaartariaqaratsigit. Sulisussameerpugut, inuit marlunnik pingasunilluunniit suliffeqarsinnaagaluarpud. Aningaasameerpugut, isumalluut allamut tunniunniarparput imaluunniit tamatta suleqataaniarpugut? Inuusuttut innuttaasullu sulinngitsut ikigisassaangillat, nunatsinnit nussortut, peqqinnissaqarfik pillugu, pissutsit atugassarititaasut pillugit, ajorseriaannassanngippata, nunatsinni najugaqarusussuseq qaffattariaqarparput, nunatsinni meeqqiornissaq kajuminnartariaqarpoq, meeqqat angerlarsimaffiup avataanut inissineqartut ikiliartussappata, ilaqutariinnut atugassarititaasut pitsanngorsartariaqarput. Peqqinnissaqarfimmi nakorsameerpugut,

# INUIT ATAQATIGIIT INATSIARTUNI



sulisussameerpugut, nakorsat niviarsiallu kigutilerisullu maanga  
najugaqarusussuseqartilissagutsigit, innuttaasut qanoq isumaqarpat?

Inuit Ataqatigiinnit aperineqarutta ukiut qulit iluani Naalagaaffinngussanersugut,  
taakkartukkatta qulakkeernissaat pingaartipparput.

Inuit Ataqatigiinniit USAmi tatisimaneqartilluta pipallannissarput orniginartinngilarput.  
Peqqissaarullugu, akaareqatigiilluta suliasaraarput.

Taamaattumik Naalakkersuisut suliamik ingerlatsinerat, Naalakkersuisoqatigiit  
isumaqatigiissuseqarnerat qatangiinnaqqunagu, Inuit Ataqatigiit  
Naalakkersuisoqatigiikkatta, tamanna suleqataaffigissavarput.

Taamatut oqaaseqarluta, aalajangiiffigissassatut siunnersuut itigartipparput.